

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

XIII.

[urn:nbn:de:bsz:31-295118](https://nbn-resolving.org/urn:nbn:de:bsz:31-295118)

XIII.

DIPLOMA HENRICI IV. IMP. ECCLESIAE RUEGGIS-
PERGENSI IN HELVETIA DATUM.

ANNO MLXXVI.

Ex autographo Lausan.

In Nomine Sanctæ & individuæ Trinitatis HENRICUS divina fa-
vente Clementia, Romanorum quartus Rex; Quoniam Regalem di-
gnitatem decet, iustitiam, & pietatem, Necessitatibus Ecclesiarum suc-
currere, profectibus gaudere, & utilitatibus consulere, & favere; Ob
hanc rem quæ in litteris istis agenda sequuntur, iubente matre mea
Agnete Augusta, quæ cum Apostolici Gregorii VII Legato Geroldo, Ho-
stiensis Episcopo, & Cardinalium primo, præfens aderat, & ob inter-
ventum Moguntinensis Archiepiscopi Sigefridi, Colonienfis Archiepi-
scopi Annonis, Trevirensis Archiepiscopi Uthonis, Methensis Episcopi
Hermanni, Wirzburgensis Episcopi Adelberonis, Spyrensis Episcopi
Aynhardi, Argentinensis Episcopi Wernheri, Lausonnensis Episcopi
Burkhardi, Sedunensis Episcopi Grinefredi, *Suevorum Ducis Rodolfi*,
Saxonum Ducis Magni, Lothariensium Ducis Gothefredi, *Palatinorum*
Hermanni Ratbodonis, *Marchionum Hermanni*, Uthonis,
Eggeberti, *Comitum*, Wernheri, Volmari, Chunonis, de Burgundia,
aliorumque multorum nostri regni Principum interpellatione misericor-

diter suscepimus, ordinando clementer disposuimus, comprobando diligenter confirmavimus; Notum igitur fore Volumus & cupimus omnibus Christi fidelibus, tam futuris, quam presentibus; Quod quidam illustris Vir Lutholdus nomine, de Castello Rümelinga, cum fratre suo Reginfredo, & filiis ejus consentientibus, quorum hæc sunt nomina; Primogenitus Odalricus, Luitprandus, Nothgerus, Burkardus, Rodolfus, donavit *per manum Bertholfi Ducis, filii Rodolfi, patre ipso Duce jubente*, in hoc placitu advocati, Ecclesiam de Roggeresperc, cum tali recto, quod undecunque ipsis in ea parte videbatur, & insuper Alodum eorum, quod eidem Ecclesiæ sub præfato Duce Rodolfo contradiderat, in fide; Constructam autem ipsam Ecclesiam & Alodum suum in regno meo, in Lausannensi Episcopatu; *in pago Nomine VffGow, in Comitatu Bargaensi*, donavit, cum laudamento fratris sui Reginfredi & filiorum eique supra nominatorum, Deo & sanctis eique Apostolis Petro & Paulo, & Domino Hugoni, Abbati tunc præfenti, & successoribus ejus, ad locum Cluniacensem, pro salute animæ suæ, & uxoris ejus Guthæ, pro salute fratris sui Reginfredi, & filiorum ejus, pro remedio defunctorum parentum amborum, & pro consolatione in posteritate sua futurorum; ob memoriam quoque Regum, Episcoporum, Principum, & omnium prædictæ Cellæ statum & honorem diligentium ac defendentium, atque omnium prorsus Christi fidelium, ut in ordine monastico perpetualiter inibi serviatur Domino: Ipsi vero ibidem famulantes Deo monachi, sub regula & ordine Cluniacensi, liberam habeant, ut dignum est, de sua propria causa, potestatem, suis necessitatibus omnimodis providere, uti ac vivere, tantum ut censum reddant ad Clunia-

cum, per singulos annos aureum denarium, in natali Apostolorum Petri & Pauli;

Igitur ego HENRICUS Dei gratia Romanorum quartus Rex, Sancto Spiritu instinctus, propter spiritalis patris Hugonis Abbatis presentiam, una cum matre mea Agnete, tunc Augusta, *per manum prefati Ducis R.* Vicinum loco & adjacens desertum quoddam, juris regni mei; scilicet nemus adhuc viride donavi eidem Ecclesie Roggersberch & Monachis inibi, Deo & sanctis ejus Apostolis P. & P. sub ordine Cluniacensi famulantibus, pro remedio anime patris mei defuncti, propter spem eternae vitae, ob remissionem omnium peccatorum nostrorum, ob salutem corporum, & sempiternam animarum requiem, ob cottidianam nostri memoriam, prolisque meae in futurum; eo pacto & ea conditione, ut praedictae Ecclesiae Monachi, cum hominibus suis extirpent & succidant illud, ac exercent, atque laborantibus agricolis ad succidendum & extirpandum collocent; donec in cottidianos usus suos bene redigant; Terminus vero ejusdem sylvae ac deserti, circa montem Guecham extensus, in longitudinem & latitudinem ubique nemorosus & incultus per circuitum dicitur; Constitutus de monte Sanbach ubi oritur, usque ubi cadit in nigram aquam, primus Terminus. Secundus rursus de monte Sanbach usque ad Lupbach, & ab ortu ejusdem fluvii usque ubi cadit in Senfunam; 3tius. De Lupbach usque ad fluvium Guecham, ubi ille cadit in Senfunam; 4tus ab illo usque ad Toringessperin; 5tus usque ad Lynebirgam; Sextus inde usque ad Scutum; 7mus de scuto usque ad coecum fluvium; 8vus de coeco fluvio usque in rubeum fluvium; & sic ut idem rubeus fluvius cadit in nigram aquam;

9nus

gnus de nigra aqua iterum ad montem Sanbach; eruntque omnes termini simul conjuncti novem. Decretum est igitur a me & a matre mea A. Augusta & a prænominato Apostolici Legato G. atque ab Archiepiscopis, Episcopis lica cum autoritate, banno imposito confirmatum, a Ducibus etiam & Palatinis, Marchionibus, Comitibus, & omnibus, inferioris dignitatis Principibus collaudatum; ut nulli omnino hominum sive ditiori sive Pauperiori posthac liceat in eodem loco, vel in eadem sylva, aliquas proprietatis conditiones, non hereditarii juris, non Advocativæ nec cujuslibet potestatis usurpatione, quæ libertate monasterii noceat, sibimet vindicare vel temere perturbare, aut subditas ei possessiones auferre, vel minuere, sed omnia integra conserventur eorum, pro quorum sustentatione ac gubernatione concessa sunt, usibus omnimodis profutura; Huic decreto communi propter firmam & stabilem ejusdem Monasterii libertatem, ex regia nostra auctoritate, addimus etiam hoc & fixum statuimus, ut si qua persona Ecclesiastica vel secularis, hujus constitutionis paginam sciens, contra eam temere venire tentaverit, vel aliquid a suprascripto monasterio, temerarie vel injuste abstulerit, semel ac secundo tertiove communitus si non satisfactione congrua emendaverit, ablatumque reddiderit, is nostra, nostrorumque successorum Regum potestate coactus, XXX auri libras ad regis ærarium persolvat, primitus Ecclesiæ reddito eo, quod injuste abstulerat, & potestatis, honorisque sui dignitate careat, reumque se divino judicio existere, de perpetrata iniquitate cognoscat; atque in Apostolici usque præsentiam, a sacratissimo corpore Domini nostri Jesu Christi alienus fiat, & in extremo examine districtæ ultioni

Cod. Dipl.

D

subjaceat. Ut ergo hæc supra dictarum traditionum & constitutionum decreta, omni ævo ab hac die in decimo rata & inconcussa permaneant, hanc Cartam & Testamentum manu propria corroboravimus, nostrique sigilli impressione insigniri curavimus.

Hilfelfus Cancell. vice Annonis

Archi Cancell. S. S. Regis.

Data VI. Kalendas Aprilis Anno Domini Incarnationis MLXXVI.

Indictione XIII.

Anno vero Domini Henrici quarti Regis XXI. Actum in *Wormatia*.
